



Pou Piblikasyon Imedya: 24/03/2023

GOUVÈNÈ KATHY HOCHUL

## GOUVÈNÈ HOCHUL ANONSE 4 MILYON DOLA POU PEYE 600 POU PEYE ETIDYAN CUMY YO K AP PATISIPE NAN ESTAJ PRENTAN AN

***Pwogram "Spring Forward" la plase etidyan yo ak anplwayè lokal yo pou satisfè  
bezwen mendèv jodi a ak prepare talan alvni yo***

Gouvènè Kathy Hochul jodi a te anonse yon pwogram estaj 4 milyon dola ki finanse pa eta ki ofri anplwayè yo chans pou yo anboche etidyan kalifye yo nan Inivèsite Eta New York (City University of New York, CUNY) gratis, sa k ap plase 600 etidyan CUNY nan ti Biznis yo, antrepriz demaraj ji nan domèn teknoloji, òganizasyon san bi likratif, kòporasyon, ak ajans gouvènmantal yo nan semès prentan sa a. Etidyan k ap patisipe nan pwogram nan, [Spring Forward](#) la, ap touche 20 dola pa èdtan pandan y ap pran eksperyans ki nesesè yo jwenn yon travay apre kolèj yo.

"Avèk aksè a bon jan kalite edikasyon siperyè ki abòdab ak opòtinite pou travay, etidyan CUNY yo gen chans pou grenpe nechèl siksè a ak ede bati yon pi bon New York pou jenerasyon k ap vini yo", **Gouvènè Hochul te deklare**. "Pwogram Spring Forward la non sèlman ede elèv yo genyen eksperyans karyè valab, men tou, ede anplwayè lokal yo konekte ak talan premye plan, sa ki souliye angajman nou pou sipòte etidyan yo pou yo ka genyen diplòm yo epi antre nan yon karyè rekonpanse."

**CUNY** asosye ak biznis yo, ajans yo ak òganizasyon ki bezwen talan pou sipòte pwojè nan STEM (syans, teknoloji, enjenyeri ak matematik), prezèvasyon anviwònmantal, sèvis komunitè, swen sante, ak domèn maketin. Estaj Spring Forward la te kòmanse nan mwa fevriye epi dire pou 10 semèn, enkli fòmasyon. Yo te enkli finansman Eta nan ane akademik nan kad Ane Fiskal 2023.

**Félix V. Matos Rodríguez, ki se rektè City University of New York la, te deklare**, "80 pouzan nan etidyan CUNY yo rete nan New York, sa k ap ede biznis ak anplwayè ki san bi likratif yo inove, atenn nouvo mache, epi pwospere. Nou remèsyé Gouvènè Hochul pou angajman li pou elaji patenarya enpòtan nan endistri sa yo pou plis biznis ak òganizasyon ka wè pèsonèlmann sa etidyan CUNY yo ka fè."

**Senatè Eta, Toby Ann Stavisky, te deklare**, "Diplome CUNY yo reprezante avni mendèv Vil New York la. Gradye CUNY yo gen tandans rete New York epi vin aktif nan kominate pa yo. Opòtinite estaj peye sa yo pral ede elèv yo jwenn eksperyans ki gen

anpil valè pandan y ap genyen diplòm yo epi yo pral pèmèt yo gen yon chans pou yo bati relasyon ak anplwayè yo ak kamarad pa yo. Pwogram sa a pral benefisyè anpil alafwa etidyan yo ak anplwayè yo ki jwenn yon apèsi dirèk sou talan k ap devlope nan tout sistèm CUNY nou an."

**Manm Asanble Patricia Fahy te deklare**, "Nou konnen ke an mwayèn, 60% nan anplwayè prefere anboche diplome ak travayè ki gen eksperyans estaj. Eksperyans estaj transfòme an eksperyans karyè nan yon mond reyèl ak preparasyon ki ede pwofite pi bon salè, avantaj, ak otonomi ekonomik apre kolèj yo, epi anons jodi a pral rekrite plis etidyan menm nan kad pwogram Spring Forward CUNY an. Anplis de sa, estaj peye yo gen plis chans transfòme an òf travay, epi konekte anplwayè yo ak nouvo jenerasyon travayè kalifye se yon sitiyasyon ganyan ganyan non sèlman pou elèv ak inivèsite nou yo, men pou ekonomi an nan yon san ki pi laj. Mwen felisite Gouvènè Hochul poutèt li te envesti nan siksè elèv New York yo ak nan mendèv k ap vini an."

Youn nan etidyan sa yo se **Sosmita Islam**, yon etidyan dezyèm ane nan Hunter College k ap fè estaj nan Mount Sinai Health System (Sistèm Sante Mount Sinai). Yon matyè an sikoloji ak yon konsantrasyon nan newoloji, Islam ap travay kounye a nan radyoloji pou 15 èdtan pa semèn epi li apresye lefèt ke li gen yon opòtinite peye ki alafwa bay eksperyans nan yon mond reyèl epi ki kowòdone ak chaj kou li.

**Sosmita Islam te deklare**, "Se etonan pou mwen gen yon eksperyans peye kote mwen kapab aprann anpil bagay nan men moun ki bò kote m yo epi gen yon varyete bagay mwen kapab fè. Mwen te deja vle vin yon doktè, men mwen pa te deside ki espesyalite. Mwen pa t ap janm konsidere radyoloji, men eksperyans pèsonèl sa a te montre m yon nouvo opsyon epi li ka chanje lide."

Biznis ki gen mwens pase 100 anplwaye k ap chèche anboche talan aplentan imedyatman kapab aplike tou nan pwogram *Estaj vè Travay (Internship to Employment, I2E)* CUNY an, ki konekte ansyen etidyan resan CUNY yo ak diplome iminan yo ak estaj 6 semèn ki swivi pa 8 semèn travay sibvansyone nan konpayi òganizatè yo ki te chwazi akeyi estajyè pa yo. Anplwayè ki enterese yo ka enskri pou aprann plis sou sitwèb I2E.

City University of New York se pi gwo inivèsite publik iben peyi a, yon motè transfòmatè mobilite sosyal ki se yon eleman enpòtan pou fonksyonman Vil New York. Li te fonde nan ane 1847 kòm premye enstitusyon publik edikasyon siperyè peyi a, CUNY jodi a gen sèt kolèj komunitè, 11 kolèj siperyè ak sèt enstitusyon diplòm avanse oswa pwofesyonèl ki repati nan senk minisipalite New York yo k ap sèvi plis pase 260,000 etidyan nan nivo diplòm ak metriz epi ki bay 55,000 diplòm chak ane. Melanj kalite ak aksesibilite finansye CUNY an pwopilse prèske sis fwa plis etidyan ki gen revni ba nan klas mwayèn nan ak odela ke tout inivèsite Ivy League yo konbine. Plis pase 80 pouzan diplome inivèsite yo rete nan New York, kontribiye nan tout aspè ekonomik vil la, sivik ak lavi kiltirèl epi divèsifikasyon mendèv vil la nan tout sektè. Diplome ak pwofesè CUNY yo te resewva anpil onè prestijye ki gen ladan 13 pri nobèl ak 26 sibvansyon MacArthur "Genius". Misyon istorik inivèsite a kontinye jiska jodi a: bay yon edikasyon

piblik premye klas pou tout etidyan yo, kèlkeswa mwayen oswa kote yo soti. Pou jwenn plis enfòmasyon sou CUNY, vizite <https://www.cuny.edu>.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)